

**Ўзбекистон Республикаси Адлия вазирлиги қошидаги Юристлар
малакасини ошириш маркази ва А.Авлоний номидаги халқ таълими
тизими раҳбар ва мутахассис ходимларини қайта тайёрлаш ва
малакасини ошириш институти ўртасида ўзаро ҳамкорлик**

М Е М О Р А Н Д У М И

Ўзбекистон Республикаси Адлия вазирлиги қошидаги Юристлар малакасини ошириш маркази ва А.Авлоний номидаги халқ таълими тизими раҳбар ва мутахассис ходимларини қайта тайёрлаш ва малакасини ошириш институти (кейинги ўринларда Томонлар деб аталади),

2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларни амалга ошириш, кадрлар малакасини ошириш ва қайта тайёрлаш тизимини янада такомиллаштириш, Томонлар ўртасида таълим, илмий-услубий, ахборот-таҳлил, илмий-амалий инновация ютуқларини амалиётга жорий этишнинг самарали механизмларини яратиш, илмий-тадқиқотлар ва гоявий-маърифий соҳаларда ижтимоий шериклик муносабатларини мустаҳкамлаш ва кучайтириш, хукуқшунослик соҳасида илмий тадқиқотларни амалга оширишга қаратилган тадбирлар ўтказиш, Томонлар ўртасида ўзаро тажриба алмашишга қаратилган самарали чоралар қабул қилишда ўзаро манфаатдорликдан келиб чиқиб,

қуйидагилар тўғрисида келишиб олдилар:

1-модда

Ушбу меморандумнинг асосий мақсади кадрлар малакасини ошириш ва уларни қайта тайёрлаш борасида ўзаро тажриба алмашиш, мазкур тизимини такомиллаштириш механизмлари ва методларини ишлаб чиқиш, таълим жараёнига илғор педагогик ҳамда инновацион технологияларни жорий этишга кўмаклашиш ҳисобланади.

Томонлар ўртасидаги ўзаро ҳамкорлик муддатсиз, қонунга бўйсуниш, очиқлик, мустақиллик, ўзаро хурмат, teng хукуқлилик тамойиллари асосида ташкил этилади.

2-модда

Томонлар ўзаро манфаатлар асосида қуйидаги йўналишларда ҳамкорликни ривожлантирадилар ва мустаҳкамлайдилар:

таълим жараёни ва илмий-тадқиқот ишларига Томонларнинг профессор-ўқитувчилари ва малакали мутахассисларини (ходим) жалб этиш;

кадрлар малакасини ошириш ва уларни қайта тайёрлаш борасида ўзаро тажриба алмашиш;

кадрлар малакасини ошириш ва уларни қайта тайёрлаш тизимини такомиллаштириш механизмлари ва методларини ишлаб чиқиш;

педагог кадрларни қайта тайёрлаш ва уларнинг малакасини оширишга кўмаклашиш;

таълим жараёнига илғор педагогик ҳамда инновацион технологияларни жорий этиш;

таълим, илм-фанни ривожлантириш, илмий ва инновацион салоҳиятдан самарали фойдаланиш, профессионал таълимнинг сифат жихатдан янги даражага олиб чиқиш, қўшма инновацион лойиҳалар ишлаб чиқиш ва амалга ошириш, шунингдек хорижий грант ва лойиҳаларда биргаликда иштирок этиш.

малака ошириш ва қайта тайёрлаш курсларини ташкил этиш учун зарур бўлган ахборотлар, маълумотлар ва таҳлилий ҳужжатларни ўзаро алмашиш;

ҳамкорликда илмий ва ўкув адабиётларни тайёрлаш;

статистик ва ахборот-таҳлилий маълумотлар ҳамда Томонларнинг ютукларини акс эттирувчи бошқа материаллар билан ўзаро алмашиш;

соҳага оид ютуқларни ўрганиш мақсадида мутахассис ва эксперталар билан алмашиш, билим ва ижобий тажриба натижаларини тарқатиш ва маърузалар ўқиши;

конференциялар, семинарлар, давра сухбатлари ва бошқа илмий-амалий тадбирлар ташкил этиш ва уларда иштирок этиш;

илмий-тадқиқот натижаларини амалиётга татбиқ этишга кўмаклашиш;

ўзаро самарали ҳамкорликни йўлга қўйиш, унинг ҳукуқий асослари ҳамда ташкилий чораларни такомиллаштириб борилишини таъминлаш;

мамлакатни сиёсий-ҳукуқий ва ижтимоий-иктисодий ривожлантириш бўйича вазифаларни амалга оширишда ўзаро манфаатли ҳамкорликнинг самарасини оширишга қаратилган замонавий механизмларини жорий этиш;

Томонларнинг нашрларида профессор-ўқитувчилар ҳамда бошқа мутахассислар томонидан тайёрланган илмий мақола ва тезисларнинг чоп этилишида кўмаклашиш;

илмий ишлар, ўкув-услубий материаллар ва бошқа маҳсус адабиётлар, шунингдек Томонларнинг ютукларини акс эттирувчи бошқа материаллар билан ўзаро алмашишни йўлга қўйиш;

илмий-тадқиқот натижалари, жумладан нашр этиладиган материалларнинг илмий экспертизасида иштирок этиш, уларга тақриз ва хулосалар тайёрлаш;

ахборот-ресурс маркази ва кутубхонадан фойдаланиш.

3-модда

Меморандумда назарда тутилган ўзаро ҳамкорлик йўналишларидан келиб чиқсан ҳолда, Томонлар розилиги билан бошқа тадбирлар ҳам ўтказилиши мумкин.

4-модда

Мазкур Меморандумга Томонларнинг ўзаро розилигига кўра унинг ажралмас қисми ҳисобланадиган алоҳида баённомалар билан расмийлаштириладиган ўзгартириш ва қўшимчалар киритилиши мумкин.

5-модда

Томонлар Меморандумни амалга ошириш ҳамда фаолиятнинг асосий йўналишлари бўйича ҳамкорлик тадбирларини белгилаш учун масъул шахсларни белгилайди ва ҳамкорликдаги муайян фаолиятни амалга ошириш ваколатига эга шахслар раҳбарлигидаги қўшма ишчи гурухлар ташкил қилиши мумкин.

Масъул шахслар ўзгарган тақдирда, Томонлар бир-бирларини ёзма равишда хабардор қиласидар.

6-модда

Мазкур Меморандум қоидаларини қўллаш ва (ёки) талқин қилиш билан боғлиқ низо ва келишмовчиликлар Томонлар ўртасида маслаҳатлашувлар ёки музокаралар орқали ҳал этилади.

7-модда

Ушбу Меморандум иккала томон вакиллари имзолаган кундан кучга киради ва беш йил мобайнида амал қиласидар. Томонлардан бири Меморандум муддати тугашига бир ой қолганида унинг амал қилишини тўхтатиш ҳақида ёзма хабарнома бермаса, Меморандум ўз-ўзидан кейинги беш йиллик муддатга узайтирилади.

8-модда

Ушбу Меморандум ўзбек тилида икки нусхада тузилди. Унинг ҳар бир нусхаси бир хил юридик кучга эга бўлиб, бир нусхаси А.Авлоний номидаги ҳалқ таълими тизими раҳбар ва мутахассис ходимларини қайта тайёрлаш ва малакасини ошириш институтида, иккинчи нусхаси эса – Юристлар малакасини ошириш марказида сақланади.

**Ўзбекистон Республикаси Адлия
вазирлиги қошидаги Юристлар
малакасини ошириш маркази**

номидан



Директор

А. Рахматов

2020 йил “19” февраль

**А.Авлоний номидаги ҳалқ
таълими тизими раҳбар ва
мутахассис ходимларини қайта
тайёрлаш ва малакасини
oshiiriш институти номидан**

Ректор в.б.

Ф. Каримов

2020 йил “19” февраль